

陸軍第七十八師

潘烈士抗日陣亡紀念冊

附淞滬抗日戰史

印水心編纂

中華民國二十三年九月出版

印水心先生編纂

潘烈士抗

江苏工业学院图书馆
藏书章

陣山紀念冊

用賓署簽



[illegible]

上圖就原令攝影製成，其背面有附記九款，因字跡太細，未易辨識，特將令文及附記，編刊第二卷命令之首，藉資參照。

序

潘烈士抗日陣亡紀念冊，曷爲而作乎？曰：有數義。一曰：發揚民族抗日之精神也。自甲午以還，我民族屈辱於日帝國主義鐵蹄下，已四十年。九一八事變後，奪我遼甯，佔我錦州，襲我熱河，擾我平津，封鎖我海口，震動我京畿，四顧神州，版圖易色；及一二八，又大舉寇東南，我十九路軍，奮起抵抗，潘烈士轉戰淞滬，忠勇殺敵，爲民族求生存，爲國家爭人格，卒以愛國熱血，染成一頁最後之光榮歷史。此可證明中國久被屈辱之民族，可以復興，而中國士兵之血，可爲反抗野蠻之侵略而橫流也。二曰：表彰國人忠孝之美德也。我國自古聖賢豪傑，無不注重忠孝二字。戴季陶先生序蔣校長之人格與修養一書，有曰：古聖賢教人爲學，千言萬語，只歸到一誠字；由此發而爲事，萬緒千端，只歸到忠孝二字。又曰：總理自立志革命以來，說過許多話，做過許多事，到最後一二年，講述三民主義，而以八德爲民族生存之源泉，所謂八德，首舉忠孝。可見忠孝云者，又民族生命源泉之源泉也。潘烈士殉國之忠，已屬難能；而事母之孝，尤爲可敬。能孝能忠，斯能擔當抗日救國之大事業。此可

證明我國人固有之忠孝美德，至今未墜；惟能實行忠孝，而後可以抵禦外侮，復興民族也。三曰：洗滌江北漢奸之污名也。在滬戰最劇時，全國一致，敵愾同仇，而江北漢奸之名，忽宣騰人口，尤以我鹽城之石灰案，爲最冤痛！同時上海江北苦力，受此污名，而被迫回籍者，不知凡幾，雖黃金榮，顧竹軒等，一再聲明：眞漢奸決非江北人。然諄諄之言，終不能塞悠悠之口。結果聞北漢奸之被破獲者，爲非江北人胡立夫（浙江溫州人），而忠勇義烈悲壯犧牲之潘烈士，實出於江北之鹽城。此可證明江北人忠勇義烈，悲壯犧牲之精神，固不在全國激昂慷慨，熱血騰沸之神明華胄下也。嗚呼烈士！其抗日也，發一粒彈，卽保障世界之一日和平；灑一滴血，卽挽回國家之一分國運。迄今淞滬之血跡未乾，遠東之風雲日急，不久將因遠東問題而引起世界第二次大戰，則我中華民族，爲緊急自衛計，勢必擴大今後之抗日戰爭，或永與暴日在血泊中求最後之生存與勝利；則此紀念冊，可振起我民族，爲英勇壯烈之總動員。追懷過去，策勉將來，念國步之方艱，思猛士而共濟，此又不吝編刊是書之微意也。夫豈爲潘烈士一人一家而作已哉？編次旣竣，用識數語，以告世之知言者。

民國二十三年，八月三十日，鹽城印水心

潘烈士抗日陣亡紀念冊

卷首 題詞

蔣委員長題字

精 神 不 死

蔣中正題

汪院長題字

先 烈 之 血
主 義 之 花

汪兆銘題

孔副院長題詞

讀鹽城潘烈士抗日陣亡紀念

冊系之以贊 孔祥熙

民族之幹，復興之基；
抗日烈士，玉照金輝。

何部長題詞

題陸軍少尉潘烈士抗日陣亡

紀念冊

何應欽

革命之花，烈士之血；淞滬一戰，
十盪十決；氣壯河山，忠貫日月。
仇未復，恥未雪！我瞻四方，
戰雲恣譎；何以圖存？光昭先烈。

王委員長題詞

題印水心潘烈士抗日陣亡紀念冊

王用賓

國於天地，必有與立。閱牆禦侮，古訓是式。相彼暴日，肆厥兇殘；既侵東北，復寇東南！偉矣潘君，慷慨奮起；斷脰裂腹，爲國而死。孔曰成仁，孟曰取義；勒此史篇，昭垂無既。

趙副委員長題詞

讀印水心編鹽城潘烈士抗日陣亡紀念冊題後 趙丕廉

東北既歟，覬覦東南；戰雲密佈，淞滬之間。莫暴匪虎，莫殘匪狼；是割是烹，于我之疆。是而可忍，人謂我何？嗟我同仇，式厲干戈。巍巍鹽城，誕育英俊；烈士潘君，登先陷陣。誓滅醜虜，裂腹破首；灑血疆場，永垂不朽。滬戰雖停，國難未已；安內攘外，責在後死。

于院長題詞

印水心編鹽城潘烈士抗日陣亡紀念冊題詞 于右任

燦爛之冊，碧血之光；抗日壯烈，震耀四方。

陳主席題詞

陸軍少尉潘盛益抗日殉難其同邑印君水心爲編刊紀念冊表彰忠烈用意至可欽佩敬題冊尾以示來者

陳果夫

中華建國，歷五千年；聲明文物，爲世界先。蕞爾日本，原爲島國，受我薰陶，以有今日。不報我恩，反以爲仇；文侵武略，無時或休！溯九一八，東省被擄，泊一二八，又謀淞滬。我十九軍，奮起殺敵；萬夫一志，誓不兩立。烈士潘君，在孟家角；血戰經旬，以身殉國。壯者烈士，爲國捨身；其身雖沒，其神永存。印君水心，哀念烈士，耿耿精忠，世莫之知。爲請於朝，國命申錫；爲勒貞珉，享祀不忒。並爲立傳，載之邑乘；闡幽攝顯，永昭忠憤。治國大

經，曰忠與義；忠者捐軀，義士執筆。筆著千秋，忠斯不滅；忠義凜然，光照史冊。顧茲民國，國難方急；何以禦之？是有望於來哲。

陸軍七十八師潘烈士抗日陣亡紀念冊題詞

吳鐵城

淞滬作戰最精神，爲我民族爭生存，抵抗暴日，奮勇殺賊不顧身。英雄肝膽本慈仁，熱血代價不可論，雪恥報仇，神州從此起陸沈。壯烈偉大我軍人，武裝打開和平門，強權消滅公理伸，青天白日照乾坤，光榮紀念，永留烈士之傷痕。

敬題潘烈士盛益抗日陣亡紀念冊

陳鴻志

擎天有一柱，獨樹射之陽。爲國抱奮勇，投筆入戎行。倭寇日肆虐，英氣益激昂。從軍十九路，直搗小扶桑。抗日數十戰，戰績著旂常。轉戰孟家角，不幸陣前亡。勇烈標大節，與日月爭光。勒碑傳史乘，千載永留芳。

潘烈士抗日陣亡紀念冊目次

卷首

卹令攝影

序

蔣委員長題字

汪院長題字

孔副院長題詞

何部長題詞

王委員長題詞

趙副委員長題詞

于院長題詞

陳主席題詞

吳市長題詞

陳鵠屏題詞

卷一 殉難事實

一 傳狀

潘烈士盛益傳

潘烈士抗日陣亡紀念冊

目次

卷二 請卹文件

一 命令

國民政府軍政部令

江蘇省政府令

二 呈文

二十二年一月呈上海縣文 附批

二十二年五月呈上海縣文

二 年表

陸軍七十八師潘烈士盛益年表

三 碑記

潘烈士碑

四 遺墨

家書 稟母函 致母舅倪耀先函

詩歌 月夜在孟家角巡視陣線有感

陸軍少尉潘盛益事略

潘故排長盛益傳略

二十二年六月呈上海縣文 附批

二十二年七月呈國民政府軍政部文

附軍衡司通知書

二十二年十月呈軍政部文 附通知書

二十三年一月呈軍政部文 附通知書

二十三年四月呈鹽城縣政府文 附批

二十三年七月呈鹽城縣黨部文 附議

決案

三 函牘

潘琴堂致印水心函九件

印水心復潘琴堂函八件

印水心致張益生胡啓東函一件

印水心致鹽城縣黨部函一件

陳鐘凡致印水心函一件

卷三 抗日戰史

一 叙言

卷四 戰事拾零

二 戰事之起因

三 戰前軍力之佈置

四 三十六日血戰記

五 戰後敵我優劣之比較

六 結論

一 十九路軍沿革史

二 十九路軍組織系統圖

三 第五軍組織系統圖

四 陸軍第七十八師抗日陣亡官佐一覽表

五 抗日官佐士兵傷亡及失蹤統計

六 抗日負傷官兵創痕類別統計

七 戰區民衆傷亡及失蹤統計

附錄一 潘烈士遺族撫卹始末記

附錄二 提議爲潘烈士建祠立碑啓

潘烈士抗日陣亡紀念冊

卷一 殉難事實

一 傳 狀

潘烈士盛益傳

吾鹽有烈士，而碎首裂腹於孟家角陣地間，經國民政府，頒令撫卹，晉級少尉者，則潘君盛益也。先是民國二十年九月十八日，日虜寇我遼甯，東北邊防軍，以不抵抗故，不及二十四小時，而失地二千里，喪失人口三千餘萬。明年一月，虜又大舉寇東南，戰艦雲集，海陸空三路並進，聲言四小時內，可佔上海，二十四小時內，且取南京。是月二十八日，虜軍犯閘北，飛機，重礮，機關槍，坦克車，分路猛攻，厥勢張甚。樞府猶豫，未有以應。我十九路軍，守土有責，不忍視東南首善之區，再繼東北而淪胥以亡。總指揮蔣光鼐，軍長蔡廷楷，以至營連士兵，同心同德，奮起抵抗。與虜軍浴血苦戰於淞滬間，歷三十餘日，肉搏衝鋒，破敵軍，俘敵將，奪敵飛機巨礮，不知凡幾，而十九路

軍之抗日義聲，震爍全世界。將士奮勇，捐軀殉難者，無慮千百人，其愛國之忠，死事之烈，尤以潘烈士爲最著。烈士之投十九路軍也，在民國十五年秋，旋編入七十八師一百五十六旅，隨軍至福建，廣東，湖南，江西，歷時五六年，轉戰數千里，卒奮其忠勇，抗日而死。死之日，死之地，吾鹽人士，初不知之；直至戰事畢，其母倪太夫人在籍，接上海縣政府通知書曰：准陸軍七十八師一百五十六旅五團三營營本部函開：准尉連附潘盛益，於三月一日，在孟家角陣亡。於是烈士戰而死，死之日，死之地，及服務營部，始傳入邑人耳。然於烈士死事狀，及死後遺骸，瘞埋何處？猶未之詳也。越二年，國民政府撫卹令下，其叔琴堂來京，泣告水心，請爲立傳，水心詳問死事狀，及埋骨地點，謀歸葬鹽城。琴堂曰：孀嫂倪在滬，或知其詳。水心乃東行，勘踏戰地，尋覓遺骸不得，親訪倪太夫人，太夫人痛哭言曰：兒死已二年，窀穸未安，戰地蒼荒，竟不知吾兒埋骨何所？又曰：自吾夫死後，吾二子皆從軍而盛益尤勇烈。嘗聞師長區壽年，旅長翁照垣，及其袍澤，述兒戰鬥經過，至爲翔實。蓋自一二八戰事既起，越日，卽一月二十九日，北火車站之戰，二月七日，八字

橋之戰，十四日，江灣之戰，二十二日，廟行鎮之戰，吾兒皆肉搏衝鋒，手執大刀，斫敵軍無算。至二十八日，敵囚白川，率援軍來。二十九日，猛攻八字橋。三月一日，集全力於楊家樓，孟家角，廟行鎮一帶，先之以飛機重礮，分途轟炸，繼之以鐵甲車坦克車，掩護步兵，向我陣地猛攻。坦克車尤銳利。團長丁榮光（一百五十六旅第五團）以敵勢嚴重，砲火猛烈，欲選敢死士六十人，向敵衝殺，盛益大言曰：不必多犧牲，願率本連敢死士十二人，燬其坦克車。因身先士卒，執手溜彈，迎坦克車，大呼曰：殺！殺！殺！進！進！進！奮勇直前，遙擲手溜彈；彈炸而車未燬，騰躍而上，出腰間巨彈，擲炸車輪，輪裂車燬，而盛益亦首碎腹裂，手足飛散。衆軍士奮勇繼進，遂奪敵車，敵勢大阻。翌日，滬報載其事，並圖繪其形，至於今，每念及兒死事狀，輒心痛如肝腸之寸裂。言至此，哭不能聲。水心聞而太息曰：壯矣！烈矣！是烏可以不傳。顧烈士之死，爲抗日也，死後未兩小時，而總退却令下，我軍自閘北、江灣，以至吳淞之第一道防線，完全拋棄，全事撤退至第二防線。未幾，敵軍挺進，至大場，眞茹。我軍又退至南翔，嘉定。終以停戰協定藏事。此豈烈士始料所

及也哉？嗚呼！烈士之目不能瞑矣！

烈士原名承業，盛益其字也。生於鹽城

城內兜率寺之南。年十六，隨父至滬，越三年父卒，事母至孝。又二年投國民革命軍新編之二十四師，由閩至粵。民國十七年冬，與張發奎軍，戰於老隆鐵嶺，明年，又戰於廣東花縣，十九年，戰於廣西北流。二十年夏，隨區師長壽年改編入七十八師一百五十六旅，至江西勦共。九一八事變後，調京滬，駐防上海，未及兩月，遂以救國保種，忠勇抗日而死。時年僅二十有六云。

印水心曰：余昔編鹽城縣鄉土歷史，述鹽城忠烈之士，始於漢末之臧陳二烈。越數百年而有厓山蹈海之陸秀夫。又六百餘年乃有抗日陣亡之潘烈士。臧洪陳容，不屈於袁紹而死。陸秀夫抱宋帝蹈海而死，皆消極抵抗也。若潘烈士之抗日而死，可謂積極抵抗矣。在烈士前，積極對外而卓立戰功者，尙有二人焉。一，爲乾隆中葉，先高祖得方公，佐定海總兵李長庚，平海冠，退倭兵，生擒安南侯爵倫貴利四人。一，爲道光二十二年，英夷入犯長江，武舉蔡萬青，從提督陳化成守上海，轉戰吳淞口，化成歿於陣，萬青力戰，砲斷左股死。嗚呼！孰謂吾鹽民氣柔和，無衝鋒陷陣，斬將搃旗之勇者哉！聞烈士衝鋒時，

擲彈大呼曰：殺！殺！殺！進！進！進！進！進！凌厲無前，氣吞河嶽，雖婦人孺子，亦爲之振臂而起矣。嗚呼！國難方殷，虜寇未已，安得有凌厲無前，氣吞河嶽，如烈士其人者，爲河山生色也哉？景仰前修，益增切怛已！

陸軍少尉潘盛益事略

潘盛益，原名承業，江蘇鹽城人。民國紀元前五年十二月十一日，生於鹽城城內兜率寺之南。六歲從師，讀書聰穎異常兒，日十數行輒成誦，先生愛悅，謂此子他日，必成偉器。旋以家貧隨父習糧行業。民國十年大水，十一年，全家避荒至滬，十二年，至虹口梧州路日人所設之日新印務局習排字，時年十七，因見該局日人，壓迫中國工人狀，心滋不服，抗日之心自此始。越明年，上海日商紗廠，槍殺華工顧正紅，全市譁然，盛益益憤，投活字盤於地曰，人爲刀俎，我爲魚肉，公理滅亡，人道何在，誓不與日奴共生死。遂走出，脫離日新印務局。旋由其母舅倪耀先，介紹至寶山路商務印書館排字，凡二年。值五卅慘案後，中國內訌迭起，東南有奉浙戰爭，東北有奉國戰爭，更由奉國戰爭，演而爲奉直結合，共同對抗國民軍之大戰爭，全國混戰，紛亂如麻。盛益抗懷時局，扼腕興嗟！至十六年，國民革命軍收復淞滬，奠都南京，謀渡江北伐，盛益慨然曰，舍身報國，此其時矣。因辭商務印書館職，慷慨從軍，編入國民革命軍第十一軍第二十四師。軍長陳銘樞，師長戴戟，副師長蔡廷楷，皆愛悅之。是年由

福建至廣東，參加老隆鐵嶺之戰，未幾又參加廣東花縣，廣西北流之戰，皆立奇功。十九年改編入十九路軍七十八師第二旅第三團，積功升准尉連附。二十年春，由廣東南雄，調至江西吉安，剿滅共匪。是年秋，九一八變起，日虜寇我遼甯，長驅直入，尋攻黑龍江破之，東三省皆陷，盛益聞而大憤，擎槍北指曰：不殺日虜，誓不爲人。尋編入七十八師一百五十六旅第五團，調駐京滬。二十一年一月二十八日，日虜犯閘北，十九路軍總指揮蔣光鼐，軍長蔡廷楷，令一百五十六旅旅長翁照垣邀擊之，全軍奮勇殺賊。盛益奉調至閘北前線作戰，自一月二十九日起，至三月一日止，無日不在猛烈礮火中，擎槍挾彈，衝鋒殺敵，至最後一日，卒以轟炸敵軍坦克車，死於孟家角陣地上。

孟家角，在天通庵路八字橋之東，江灣楊家樓之北，爲我軍第一道防線最重要之地。先是虜軍以迭攻閘北吳淞不能下，二月二十日，又以江灣閘北，全線失敗，虜囚植田，改變戰略，分兵專攻廟行，江灣，八字橋，而楊家樓，孟家角一帶，遂受壓迫。二十八日，虜援軍至，三月一日，虜囚白川，集中全力於楊家樓，孟家角，廟行鎮等處，飛機重礮，鐵甲車，坦克車等，掩護步兵，向我軍施行極猛烈之總攻擊，我軍在孟家角者，爲一百五十六旅第五團七八兩連，團長丁榮光，指揮軍士，奮勇迎敵，兩軍浴血苦戰，至下午三時，虜增援猛攻，礮火益烈，丁團長選敢死士衝鋒，盛益奮臂大呼，願率本連敢死士十二人，衝出陣線，迎頭痛擊。身縛炸彈，躍出戰壕，自極密集之礮彈中衝出，大呼曰：殺！殺！殺！進！進！進！即以手溜彈，擲炸虜軍坦克車，車燬而盛益亦頭碎腹裂，血肉橫飛。先是二月十五日，虜